

Paulus Episcopus Servus Servorum Dei.

Dilecto filio Roberto tituli sanctae Mariae in Via presbitero Cardinali Bellarmino nuncupato salutem, et Apostolicam benedictionem. Ad personam tuam quam divina clementia magnis illustravit gratiarum muneribus, paterne dirigentes considerationis intuitum, et attente prospicientes, quod tu Romanam Ecclesiam, cuius honorabile membrum existis, tuorum honoras plenius magnitudine meritorum, dignum, quin potius debitum reputamus, ut illam tibi reperias in exhibitione gratiarum munificam, et in tuis opportunitatibus liberalem. Cum itaque hodie tu regimini, et administrationi ecclesiae Capuanae, cui tunc ex dispensatione Apostolica praeras, in manibus nostris sponte, et libere cesseris, nosque cessionem huiusmodi admittentes, eidem ecclesiae per cessionem huiusmodi apud Sedem Apostolicam pastoris solatio destitutae, de persona dilecti filii Antonii electi Capuan. Nobis, et fratribus nostris ob suorum exigentiam meritorum, accepta de fratrum eorundem consilio Apostolica auctoritate per alias nostras literas providerimus, prout in dictis literis plenius continetur; Nos qui dudum inter alia volumus, et ordinavimus, quod literae preservationis, etiam motu proprio cuiusvis pensionis annuae super alicuius beneficii fructibus expediri non possent, nisi de consensu illius, qui pensionem praedictam persolvere tunc haberet, quique etiam hodie pensionem annuam mille scutorum monetae certis modo, et forma tunc expressis liberam, immunem, et exemptam dudum dicto Antonio electo super monasteris abbatae nuncupati Beati^{ae} Mariae de Nonantula Sancti Benedicti, vel alterius ordinis nullius dioecesis provinciae Bononien. seu Revennaten. quod dilectus filius noster Alexander Mattheius clericus Romanus, ac noster, et Sedis Apostolicae notarius de numero participantium in commendam ad eius vitam ex concessione Apostolica obtinet, fructibus, redditibus, et proventibus eidem Antonio, quoad viveret, vel procuratori suo, ad hoc ab eo speciale mandatum habente per dictum Alexandrum, et successores dictum monasterium, ut

/ praefertur, aut alias pro tempore quomodolibet obtinentes annis singulis pro una videlicet in Domini Nostri Iesu Christi, et altera medietatibus pensionis mille scutorum huiusmodi in Beati Ioannis Baptistae Nativitatem festivitatum Romae integre persolvendam dicta
5 autoritate reservatam, constitutam, et assignatam, ipsius Antonis expresso ad id accedente consensu, Apostolica autoritate cassavimus, penitusque extinximus, et annullavimus, ac cassatam, extinctam, et annullatam esse, et fore, dictumque Antonium pensionem praefatam ab eodem Alexandro, et successoribus praefatis de caetero nullatenus petere,
10 re, aut praetendere posse, ipsumque Alexandrum, minusque successores praefatos ad solutionem dictae pensionis eidem Antonio ulterius faciendam tineri, nec obligatos existere, ac ob illius non solutionem aliquas censuras, vel poenas de caetero incurrere minimè posse decernimus, prout in cedula concistoriali desuper manu nostra signata,
15 cui solam signaturam quoad hoc sufficere, et ubique tam in iudicio, quam extra illud fidem facere voluimus, plenius continetur, Tibi, ne ex cessione huiusmodi nimium dispendium patiaris, sed ut statum tuum iuxta Cardinalatus sublimitatem decentius tenere, et expensarum onera, quae te iugiter de necessitate subire oportet, facilius perferre valeas, de alicuius subventionis auxilio providere volentes,
20 motu proprio, non ad tuam, vel alterius pro te nobis super hoc oblatæ petitionis instantiam, sed de nostra mera liberalitate tibi pensionem annuam mille scutorum similium cum omnibus, et singulis in dicta reservatione contentis exemptionibus, immunitatibus, decretis,
25 et clausulis super eiusdem monasterii fructibus redditibus et proveniuntibus tibi, quoad vixeris, vel procuratori tuo ad hoc a te speciale mandatum habenti per Alexandrum, et successores supradictos annis singulis integre persolvendam, et per te quoad vixeris, etiam una cum Sanctae Mariae in Via, quae titulus tui cardinalatus existit, ac quibusvis aliis ecclesiis, et monasteriis, etiam concistorialibus, prioribus, praepositis, dignitatibus etiam maioribus, et principalibus,

caeterisque beneficiis ecclesiasticis cum cura et sine cura saecularibus, ac quorumvis ordinum regularibus, quae ex quibusvis concessionibus, et dispensationibus Apostolicis obtines, et in posterum obtinebis, nec non quibuscumque fructibus, redditibus, et proventibus ecclesiasticis loco pensionum annuarum, ac pensionibus annuis super similibus fructibus, redditibus, et proventibus dicta tibi autoritate reservatis, et assignatis, ac reservandis, et assignandis, quos, et quas ex similibus concessionibus, ac dispensationibus Apostolicis percipis, et percipies in futurum, ac de bonis tuis testandi, pensiones transferendi, et beneficia conferendi, et quibusvis aliis facultatibus, et indultis tibi concessis percipiendam, exigendam, et levandam, ac in tuos usus, et utilitatem convertendam, nec non omnimodam collationem, provisionem, et dispositionem omnium, et quorumcunque beneficiorum ecclesiasticorum cum cura, et sine cura, aut alias quomodo libet qualificatorum nobis, et Sedi Apostolicae tam vigore regulae alternativae, quam alias competentibus, et de quibus pro tempore existens archiepiscopus Capuanus stantibus reservationibus, vel affectionibus Apostolicis disponere non poterit, eadem autoritate tenore praesentium reservamus, constituimus et assignamus, decernentes Alexandrum, et successores praedictos ad integram solutionem pensionis per praesentes reservatae huiusmodi tibi faciendam iuxta reservationis constitutionis, et assignationis praedictarum tenorem fore efficaciter obligatos. Ac volentes, et eadem autoritate statuentes, quod ille ex Alexandro, et successoribus praefatis, qui in dictis festivitatibus, vel saltem infra triginta dies illarum singulas immediate sequentes pensionem per praesentes reservatam praefatam per eum tibi tunc debitam non persolverit cum effectu, lapsis diebus eisdem, sententiam excommunicationis incurrat, a qua donec tibi, vel eidem procuratori de pensione per praesentes reservata praed. tunc debita integre satisfactum aut alias tecum, vel cum dicto procuratore super hoc amicabiliter concordatum fuerit, praeterquam in mortis articulo constitutus absolu-

/ tionis beneficium nequeat obtinere: Si vero per sex menses dictos
triginta dies immediate sequentes sententiam ipsam animo, quod absit,
substinuerit indurato, ex tunc effluxis mensibus eisdem dicto monas-
terio perpetuo privatus existat, illiusque commenda cessare, et ea
5 cessante dictum monasterium vacare censeatur eo ipso. Quocirca Vene-
rabilibus Fratribus Nostris Faventin. et Urbevetan. Episcopis, ac dilec-
to filio Causarum curae camerae Apostolicae generali auditori motu
simili per Apostolica scripta mandamus, quatenus ipsi, vel duo, aut u-
nus eorum per se, vel alium, seu alios faciant autoritate nostra pen-
10 sionem per praesentes reservatam tibi, quoad vixeris, vel procuratori
tuo praedicto, iuxta posterioris reservationis, constitutionis, assigna-
tionis, ac decreti huiusmodi continentiam, et tenorem integre persol-
vi, et nihilominus quemlibet ex Alexandro, et successoribus praedic-
tis, quem huiusmodi excommunicationis sententiam incurrisse eis con-
15 stituerit, quoties super hoc pro parte tua fuerint requisiti, tandio
Dominicis, et aliis festivis diebus in ecclesiis, dum maior inibi po-
puli multitudo ad divina convenerit, excommunicatum publice nuncient,
et faciant ab aliis nunciari, ac ab omnibus evitari, donec tibi, vel
20 praecuratori praefato de pensione per praesentes reservata praefata
tibi tunc debita fuerit integre satisfactum, ipseque excommunicatus
ab huiusmodi excommunicationis sententia absolutionis beneficium me-
ruerit obtinere. Contradictores per censuram ecclesiasticam appella-
tione postposita compescendo; non obstantibus voluntate priori, et
ordinatione nostris huiusmodi, ac constitutionibus, et ordinationibus
25 Apostolicis, nec non monasterii, et ordinis praedictorum iuramento,
confirmatione Apostolica, vel quavis firmitate alia roboratis, statu-
tis, et consuetudinibus contrariis quibuscunque. Aut si Alexandro, et
successoribus praefatis, vel quibusvis aliis communiter, vel divisim
ab eadem sit Sede indultum, quod ad praestationem vel solutionem pen-
30 sionis alicuius minime teneantur, et ad id compelli, aut quod interdi-
ci, suspendi, vel excommunicari non possint, per literas Apostolicas

/ non facientes plenam,et expressam,ac de verbo ad verbum de indulto huiusmodi mentionem,et qualibet alia dictae Sedis indulgentia generali,vel speciali cuiuscunque tenoris existat, per quam praesentibus non expressam,vel totaliter non insertam, effectus huiusmodi gratiae impediri valeat quomodolibet, vel differri et de qua cuiusque toto tenore habenda sit in nostris literis mentio specialis. Nulli ergo omnino hominum liceat hanc paginam nostrae reservationis, constitutionis, assignationis, decreti, voluntatis, mandati, et statuti infringere; vel ei ausu temerario contraire. Si quis autem hoc attentare praesumpserit, indignationem Omnipotentis Dei, ac Beatorum Petri, et Pauli Apostolorum eius se noverit incursum. Datum Romae apud Sanctum Marcum anno Incarnationis Dominicae millesimo sexcentesimo quinto Kalendis Septembris pontificatus nostri anno primo.

Io: B. Coronatus.

10 Summar.addit. p.97-100.